

## **Cuntas Leithreasa 2020**

---

### **Vóta 8**

### **Oifig an Ard-Reachtair Cuntas agus Ciste**

---

## Réamhrá

Mar Oifigeach Cuntasaíochta do Vóta 8, ceanglaítear orm an cuntas leithreasa don Vóta a ullmhú gach bliain, agus an cuntas a chur faoi bhráid an Ard-Reachtaire Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh sa bhliain dar críoch an 31 Nollaig 2020 ar thuarastail agus chaiteachais Oifig an Ard-Reachtaire Cuntas agus Ciste.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasa, 2020, lena n-áirítear an tsuim a d'fhéadfaí a úsáid mar leithreasáí-i-gcabhair ar mhaithe le caiteachas don bhliain.

Tá barrachas €1.431 milliún faoi dhliteanas lena ghéilleadh don Státchiste.

Tá an Ráiteas faoi Pholasaithe agus faoi Phrionsabail Chuntasaíochta agus nótaí 1 go 5 mar chuid den chuntas.

## Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gCiorclán 22 de 2020, chun feidhme agus an cuntas seo á ullmhú. Ar aon dul le réamhfhógra a tugadh faoi Chiorclán 27 ón mbliain 2019, Ceanglais le haghaidh Chuntas Leithreasa 2019, chun freastal ar an aistriú chuig an gcóras Seirbhísí Comhroinnte Bainistíochta Airgeadais (SCBA), ríomhadh dímhéas ar bhonn míosúil agus méadaíodh an tairseach chun sócmhainní a áireamh go €10,000. Anuas air sin, glacadh na polasaithe cuntasaíochta seo a leanas.

### *Ioncam fabhráithe ó tháillí iniúchta*

Is éard a léirítear leis an ioncam fabhráithe ó tháillí iniúchta ná iniúchtaí ar tuairiscíodh tuairim ag deireadh na bliana ina leith ach nár seoladh sonrasc lena n-aghaidh go fóill.

### *Obair idir lámha*

Is é atá i gceist le hobair idir lámha ná an luach measta inghnóthaithe a bhaineann le hobair a dhéantar ar iniúchtaí sa chás go bhfuil táille inmhuirir i gceist ach nár tugadh an t-iniúchadh chun críche faoi dheireadh na bliana. Ríomhtar luach na hoibre idir lámha mar chéatadán den táille iniúchta a aontaíodh, bunaithe ar stádas an iniúchta ag deireadh na bliana.

Seo a leanas an céatadán a úsáidtear

- cuntas faofa le haghaidh deimhniúcháin 90%
- céim athbhreithnithe iniúchta 75%
- obair allamuigh críochnaithe 60%
- iniúchadh deiridh ar siúl 30%
- iniúchadh eatramhach críochnaithe 15%
- iniúchadh eatramhach ar siúl 10%

## Ráiteas faoi Rialú Inmheánach Airgeadais

### *Freagracht as an gcóras rialaithe inmheánaigh airgeadais*

Mar Oifigeach Cuntasaíochta, aithním an fhreagracht atá orm a chinntiú go ndéanann an Oifig córas éifeachtach rialaithe inmheánaigh airgeadais a chothabháil agus a fheidhmiú.

Feidhmítear an fhreagracht sin i gcomhthéacs na n-acmhainní atá ar fáil dom mar Oifigeach Cuntasaíochta. Chomh maith leis sin, ní féidir le haon chóras rialaithe inmheánaigh airgeadais ach a dhearbú go réasúnta seachas go hiomlán go gcosnaítear sócmhainní, go n-údaráítear idirbhearta agus go gcuirtear i dtaifead iad i gceart, agus go gcoiscítear earráidí nó neamhrialtachtaí ábhartha nó go mbraithfí iad ar bhealach tráthúil. Próiseas leanúnach atá sa chóras rialaithe inmheánaigh a chothabháil agus déantar athbhreithniú leanúnach ar an gcóras agus ar a éifeachtacht.

### ***Seirbhísí comhroinnte***

Tá mo chuid freagrachtaí comhlíonta agam maidir le ceanglais an chomhaontaithe bainistíochta seirbhíse idir an Oifig seo agus an Oifig Náisiúnta Seirbhísí Comhroinnte chun seirbhísí comhroinnte acmhainní daonna agus párolla a sholáthar.

Braithim ar litir dearbhaithe ó Oifigeach Cuntasaíochta na hOifige Náisiúnta um Sheirbhísí Comhroinnte go ndéantar na rialuithe iomchuí a chur i bhfeidhm chun seirbhísí comhroinnte a sholáthar don Oifig seo.

Seo a leanas an staid maidir leis an timpeallacht rialaithe airgeadais, an creat nósanna imeachta riaracháin, tuairisciú bainistíochta agus iniúchóireacht inmheánach.

### ***Timpeallacht rialaithe airgeadais***

Deimhním go bhfuil timpeallacht rialaithe i bhfeidhm ina bhfuil na gnéithe a leanas.

- Sannadh freagrachtaí airgeadais ar leibhéal bainistíochta agus sannadh an chuntasacht chomhfhreagrach.
- Bunaíodh socruithe tuairiscithe ar gach leibhéal ar ar sannadh freagracht as bainistíocht airgeadais.
- Tá nósanna imeachta foirmiúla i bhfeidhm chun laigí suntasacha rialaithe a thuairisciú agus gníomh ceartúcháin cuí a chinntiú.
- Tá Coiste Iniúchóireachta ann chun comhairle a chur orm agus mo chuid freagrachtaí as an gcóras rialaithe inmheánaigh airgeadais á gcomhlíonadh agam.
- Rinneadh nósanna imeachta do gach príomhphróiseas gnó a dhoiciméadú.
- Tá córais i bhfeidhm chun na sócmhainní a chosaint.

### ***Rialuithe riaracháin agus tuairisciú bainistíochta***

Deimhním go bhfuil creat nósanna imeachta riaracháin agus tuairiscithe rialta bainistíochta i bhfeidhm, lena n-áirítear leithdheighilt dualgas agus córas tarmhligin agus freagrachta agus, go háirithe

- go bhfuil córas cuí buiséadta ann ag a bhfuil buiséad bliantúil ar a ndéanann an bhainistíocht shinsearach athbhreithniú leanúnach
- go ndéanann an bhainistíocht shinsearach athbhreithnithe rialta ar thuarascálacha tréimhsiúla agus bliantúla airgeadais a thugann feidhmíocht airgeadais le fios i leith na dtuartha
- go n-oibrítear córas bainistíochta riosca laistigh den Oifig
- go bhfuil córais ann atá dírithe ar shlándáil na gcóras TFC a chinntiú
- go gcinntíonn an Oifig go bhfuil fócas cuí ann ar dhea-chleachtas maidir le ceannach agus go bhfuil nósanna imeachta i bhfeidhm d'fhonn a chinntiú go gcomhlíontar na treoirlínte iomchuí go léir. B'ionann an caiteachas ar earraí agus ar sheirbhísí, lena n-áirítear costas foirne ar conradh, agus €2.38 milliún, ar an iomlán, in 2020.

### ***Iniúchóireacht inmheánach agus an Coiste Iniúchóireachta***

Deimhním go bhfuil feidhm iniúchóireachta inmheánaí ag an Oifig a sholáthraíonn gnóthas príobháideach ag a bhfuil an pearsanra ar ar cuireadh an oiliúint chuif, a oibrítear i gcomhréir le cairt scríofa a d'fhaomh mé. Cuireann anailís ar na rioscaí airgeadais a bhfuil an Oifig nochtá dóibh faisnéis ar fáil don obair iniúchóireachta inmheánaí, agus tá a pleananna bliantúla iniúchóireachta inmheánaí, arna bhfaomhadh agamsa, bunaithe ar an anailís sin. Tá sé d'aidhm ag na pleananna sin na príomhrialuithe a chuimsiú ar bhonn rollach thar thréimhse réasúnta. Déanaimse agus an Coiste Iniúchóireachta athbhreithniú tréimhsiúil ar an bhfeidhm iniúchóireachta inmheánaí. Tá nósanna imeachta curtha i bhfeidhm agam lena chinntiú go gndéantar gníomh leantach i leith tuarascálacha na feidhme iniúchóireachta inmheánaí.

### ***Creat riosca agus rialaithe***

Chuir an Oifig córas bainistíochta riosca i bhfeidhm a shainaithníonn agus a thuairiscíonn príomhrioscaí agus na gníomhartha bainistíochta a bhfuiltear ag tabhairt fúthu chun dul i ngleic leo agus, a mhéid agus is féidir, na rioscaí siúd a mhaolú. Déanann Coiste Bainistíochta Riosca (CBR) ina bhfuil an triúr Stiúrthóirí Iniúchóireachta maoirseacht ar an bpróiseas bainistíochta riosca.

Tá clár rioscaí i bhfeidhm ina gcuirtear na príomhrioscaí atá roimh an Oifig i gcuntas agus rinneadh iad sin a shainaithint, a mheasúnú agus a ghrádú i dtaobh a thábhachtaí atá siad. Déanann CBR an clár a athbhreithniú agus a nuashonrú ar bhonn ráithiúil. Úsáidtear toradh na measúnuithe sin chun acmhainní a phleanáil agus a leithdháileadh lena chinntiú go mbainistítear rioscaí de réir leibhéal inghlactha. Tuairiscítear torthaí gníomhaíochtaí bainistíochta riosca don Choiste Iniúchóireachta.

Sonraítear sa chlár rioscaí na rialuithe agus gníomhartha a theastaíonn chun rioscaí a mhaolú agus an fhreagracht as oibriú rialuithe a shanntar do chomhaltaí sonracha foirne.

### ***Monatóireacht agus athbhreithniú leanúnach***

Bunaíodh nósanna imeachta foirmiúla chun monatóireacht a dhéanamh ar phróisis rialaithe agus cuirtear easnaimh rialaithe in iúl dóibh siúd atá freagrach as dul i mbun gníomh ceartaitheach agus don bhainistíocht, sa chás gurb iomchuif, ar bhealach tráthúil. Deimhním gur sainaitníodh príomhrioscaí agus rialuithe gaolmhara agus gur cuireadh próisis i bhfeidhm chun monatóireacht a dhéanamh ar oibriú na bpríomhrialuithe siúd agus aon easnaimh a shainaithnítear a thuairisciú.

### ***Athbhreithniú ar éifeachtacht***

Deimhním go bhfuil nósanna imeachta ag an Oifig chun monatóireacht a dhéanamh ar éifeachtacht a nósanna imeachta bainistíochta riosca agus rialaithe. Tá an mhonatóireacht agus an t-athbhreithniú ar éifeachtacht an chórais rialaithe inmheánaigh airgeadais curtha ar an eolas ag an obair a dhéanann na hiniúchóirí inmheánacha agus seachtracha agus an bhainistíocht shinsearach laistigh den Oifig atá freagrach as forbairt agus cothabháil an chreata rialaithe inmheánaigh airgeadais.

### ***Paindéim Covid-19***

Ghníomhachtaigh an Oifig a plean leanúnachais gnó i mí an Mhárta 2020, mar fhreagairt do phaindéim Covid-19. Rinne sé sin eagraíocht a dhéanann cianoibriú go príomha den Oifig, agus níor cuireadh isteach go mór go díreach ar a hoibríochtaí. Mar gheall ar fhad na cianoibre ar fud na heagraíochta, leagadh béim ar thimpeallacht rialaithe éifeachtach a choimeád, trí bhearta cosúil le beartais agus nósanna imeachta nuashonraithe, cibearshlándaíl bhreise, oiliúint ar chosaint sonraí, cumarsáid bainistíochta agus díriú ar rannpháirtíocht agus folláine foirne san áireamh. Bhí beartais agus nósanna imeachta daingne bainistíochta eolais i bhfeidhm in aghaidh an bhaoil mhéadaithe a eascraíonn as rochtain leanúnach fad a bhí cianoibriú á dhéanamh ar thaifid ranna rialtais agus chomhlachtaí poiblí a theastaíonn chun aghaidh a thabhairt ar shainordú na hOifige. Rinneadh rioscaí sonracha a eascraíonn as an timpeallacht chianoibre agus maolú cuí a bhreithniú ag cruinnithe an Choiste Bainistíochta Rioscaí agus an Choiste Iniúcháireachta. Anuas air sin, thug iniúcháireacht inmheánach faoi mheasúnú ar an tionchar a d'imir an timpeallacht oibre athraithe ar rialuithe airgeadais. Dheimhnigh sé sin go raibh rialuithe á n-oibriú go sásúil.

### ***Riosca suntasach airgeadais***

Gearrtar táillí iniúchta ar iniúchtaí áirithe airgeadais, faoi mar a bhforáiltear dó in Acht an Ard-Reachtair Cuntas agus Ciste (Leasú), 1993. Is cuid shuntasach d'acmhainní na hOifige iad na táillí agus tá roinnt nósanna imeachta curtha i bhfeidhm chun a chinntiú go ndéantar costais a aisghabháil le haghaidh iniúchtaí ábhartha. Áirítear leis na bearta sin

- athbhreithniú bliantúil ar an mbonn ar a ngearrtar táillí, athbhreithniú ar aisghabháil na gcostas ar iniúchtaí aonair le himeacht ama san áireamh
- córais a chuireann costais iniúchta, dul chun cinn iniúchta agus faisnéis bhilleála i gcuntas
- monatóireacht a dhéanamh ar fhaisnéis airgeadais lena n-áirítear costais iniúchta agus aisghabháil táillí.

### ***Saincheisteanna rialaithe inmheánaigh airgeadais***

Níor sainaitníodh aon laigí i rialú inmheánach maidir leis an mbliain 2020 óna dteastaíonn nochtadh sa chuntas leithreasa.

### **Colette Drinan**

Oifigeach Cuntasaíochta

Oifig an Ard-Reachtair Cuntas agus Ciste

19 Márta 2021

## **An tArd-Reachtair Cuntas agus Ciste**

### **Tuarascáil le cur faoi bhráid Thithe an Oireachtais**

### **Vóta 8 Oifig an Ard-Reachtair Cuntas agus Ciste**

#### **Tuairim faoin gcuntas leithreasa**

Rinne Mazars, Cuntasóirí Cairte agus Iniúcháirí Reachtúla, iniúchadh ar an gcuntas leithreasa do Vóta 8 Oifig an Ard-Reachtair Cuntas agus Ciste thar mo cheann faoi alt 13 d'Acht an Ard-Reachtair Cuntas agus Ciste (Leasú), 1993, don bhliain dar críoch an 31 Nollaig 2020.

Is í mo thuairimse, bunaithe ar an iniúchadh agus ar an tuairisc a rinne siad

- cuirtear i láthair go cuí sa chuntas leithreasa fáltais agus caiteachas Vóta 8 Oifig an Ard-Reachtair Cuntas agus Ciste don bhliain dar críoch an 31 Nollaig 2020, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

#### ***Tuarascáil ar an ráiteas faoi rialú inmheánach agus ar nithe eile***

Chuir an tOifigeach Cuntasaíochta ráiteas faoi rialú inmheánach airgeadais, anuas ar an gcuntas leithreasa, i láthair. Déantar cur síos sa *Réamhrá leis na Cuntais Leithreasa* ar mo fhreagrachtaí chun tuairisciú a dhéanamh maidir leis an bhfaisnéis sa ráiteas, agus ar nithe áirithe eile ar a dtuairiscim mar eisceacht.

Níl aon rud le tuairisciú agam ina leith sin.

**Séamus McCarthy**

An tArd-Reachtair Cuntas agus Ciste

23 Aibreán 2021

## **Tuairim don Ard-Reachtair Cuntas agus Ciste de réir Alt 13 d'Acht an Ard-Reachtair Cuntas agus Ciste (Leasú), 1993**

### **Tuairim ar an iniúchadh ar an gCuntas Leithreasa**

#### **Tuairim**

Mar niúchóir arna cheapadh faoi Alt 13 d'Acht an Ard-Reachtair Cuntas agus Ciste (Leasú), 1993, tá Cuntas Leithreasa Oifig an Ard-Reachtair Cuntas agus Ciste don bhliain dar críoch an 31 Nollaig 2020 iniúchta againn.

Is é ár dtuairim go gcuirtear fáltais agus caiteachas an Vóta don bhliain dar críoch an 31 Nollaig 2020 i láthair go cuí i gCuntas Leithreasa an Vóta d'Oifig an Ard-Reachtair Cuntas agus Ciste agus nach bhfuil aon ní ann ar gá dúinn tuairisciú ina thaobh, de bhun Alt 3(10) d'Acht an Ard-Reachtair Cuntas agus Ciste (Leasú), 1993.

#### **An Bunús atá lenár dtuairim**

Rinneamar ár n-iniúchadh ar Chuntas Leithreasa Oifig an Ard-Reachtair Cuntas agus Ciste de réir na gCaighdeán Idirnáisiúnta maidir leis an Iniúchóireacht (Éire), an dlí is infheidhme, agus Alt 3 d'Acht an Ard-Reachtair Cuntas agus Ciste (Leasú), 1993. Tá cur síos déanta ar na freagrachtaí atá orainn faoi na caighdeáin sin sa chuid dár dtuairisc dar teideal Freagrachtaí an Iniúcháir as an iniúchadh ar an gCuntas Leithreasa. Táimid neamhspleách ar an eintiteas de réir na gceanglas eiteiciúil a bhaineann le hiniúchtaí in Éirinn, lena n-áirítear an Caighdeán Eitice arna eisiúint ag Údarás Maoirseachta Iniúchóireachta agus Cuntasáíochta na hÉireann (IAASA), agus tá ár gcuid freagrachtaí eiteiciúla eile comhlíonta againn de réir na gceanglas sin.

Creidimid gur leor agus gur cuí an fhianaise iniúchta a fuairamar le bonn a chur faoinár dtuairim.

Fuairamar an fhaisnéis agus na míniúcháin ar fad a mheasaimid a bhí riachtanach chun críche ár n-iniúchta. Is é ár dtuairim gur choinnigh Oifig an Ard-Reachtair Cuntas agus Ciste taifid chuntasáíochta chuif. Tá an Cuntas Leithreasa ag teacht leis na taifid chuntasáíochta.

#### **Ráiteas faoi Rialú Inmheánach Airgeadais**

Tá athbhreithniú déanta againn ar a bhfuil sa Ráiteas faoi Rialú Inmheánach Airgeadais. Níl aon rud le tuairisciú againn ina leith sin.

#### **Freagrachtaí an oifig chuntasáíochta**

Faoi Alt 22 den Exchequer and Audit Departments Act 1866, tá an tOifigeach Cuntasáíochta freagrach as an gCuntas Leithreasa a ullmhú. Tá sí freagrach freisin, inter alia, as cistí poiblí a chosaint agus as rialtacht agus cirte gach idirbhirt sa Chuntas Leithreasa.

#### **Freagrachtaí an iniúcháir as an iniúchadh ar an gCuntas Leithreasa**

Is orainn atá an fhreagracht as an gCuntas Leithreasa a iniúchadh de réir ceanglais ábhartha dlí agus rialála agus de réir na gCaighdeán Idirnáisiúnta maidir leis an Iniúchóireacht. Is éard is aidhm linn ná dearbhú réasúnta a fháil maidir le cibé acu an bhfuil an Cuntas Leithreasa saor ó mhíríteas ábhartha, cibé acu de bharr calaoise nó earráide, agus tuairisc iniúcháir a eisiúint ina leagtar amach ár dtuairim. Ardleibhéal dearbhaithe atá i gceist le dearbhú réasúnach, ach ní rathaítear leis go mbraithfear i gcónaí míráiteas ábhartha, más ann dó, in iniúchadh a dhéanfar de réir na gCaighdeán Idirnáisiúnta maidir leis an Iniúchóireacht (Éire). Is féidir le míráitis teacht i gceist de bharr calaoise nó earráide agus meastar gurb ábhartha atá siad más rud é, astu féin nó le chéile, go bhféadfaí a bheith ag súil leis le réasún go mbeadh tionchar acu ar chinntí eacnamaíochta na n-úsáideoirí arna ndéanamh ar bhonn an Chuntais Leithreasa.

Déantar scrúdú mar chuid den iniúchadh, ar bhonn tástála, ar fhianaise a bhaineann leis na suimeanna agus leis an méid a nochtar sa chuntas leithreasa, agus scrúdú le féachaint an dtagann na hidirbhearta arna dtaifeadadh sa chuntas leis an údarás faoina n-airbheartaítear iad a bheith déanta, agus measúnú ar cibé a cloíodh le forálacha cuntasáíochta na *Nósanna Imeachta Airgeadais Phoiblí* nó nár cloíodh. Tá cur síos eile ar na freagrachtaí atá orainn i leith an iniúchta ar na ráitis airgeadais le fáil ar láithreán gréasáin IAASA ag:

[http://www.iaasa.ie/getmedia/b2389013-1cf6-458b-9b8f-a98202dc9c3a/Description\\_of\\_auditors\\_responsibilities\\_for\\_audit.pdf](http://www.iaasa.ie/getmedia/b2389013-1cf6-458b-9b8f-a98202dc9c3a/Description_of_auditors_responsibilities_for_audit.pdf). Tá an cur síos sin ina chuid dár dtuairisc iniúcháin.

### **An cuspóir atá lenár gcuid oibre iniúchta agus an té a bhfuilimid freagrach dó nó di**

Is don Ard-Reachtair Cuntas agus Ciste amháin a dhéantar an tuairisc seo, de réir Alt 13 d'Acht an Ard-Reachtair Cuntas agus Ciste (Leasú), 1993. Rinneadh ár gcuid oibre iniúcháireachta sa chaoi is gur féidir linn a chur in iúl don Ard-Reachtair Cuntas agus Ciste na nithe sin a cheanglaítear orainn a chur in iúl dó i ndeimhniú ár dtuairime agus ní chun críocha ar bith eile. Lánoiread is a cheadaítear leis an dlí, ní ghlacaimid le freagracht as an obair iniúcháireachta, as an tuairisc seo, ná as na tuairimí atá déanta againn, ná ní ghabhaimid a leithéid de fhreagracht orainn, do dhuine ar bith eile seachas an tArd-Reachtair Cuntas agus Ciste.

### **Bernard Barron**

Ar son agus thar ceann

### **Mazars**

Cuntasóirí Cairte agus Iniúcháirí Reachtúla  
Baile Átha Cliath 2

22 Aibreán 2021



## Vóta 8 Oifig an Ard-Reachtair Cuntas agus Ciste

### Cuntas Leithreasa 2020

	2020	2019
	Soláthar meastacháin	Toradh
	€000	€000
<b>Caiteachas an chláir</b>		
A Iníochóireacht agus tuairisciú	15,147	14,301
	<b>15,147</b>	<b>14,301</b>
<b>Ollchaiteachas</b>		
<i>Lúide</i>		
B Leithreasaí-i-gcabhair	<b>6,031</b>	<b>7,764</b>
	<b>9,116</b>	<b>6,035</b>
<b>Glanchaiteachas</b>		

#### Farasbarr

Is ionann an farasbarr agus an tsuim a sholáthraítear os cionn na glansuime a caitheadh atá faoi dhliteanas lena ghéilleadh don Stáitchiste.

	2020	2019
	€	€
<b>Farasbarr le géilleadh</b>	<b>1,430,614</b>	<b>2,622,325</b>

#### Colette Drinan

Oifigeach Cuntasaíochta  
Oifig an Ard-Reachtair Cuntas agus Ciste

19 Márta 2021

## Nótaí leis an gCuntas Leithreasa

### Nóta 1 Ráiteas faoin gCostas Oibriúcháin 2020

	2020	2019
	€000	€000
Pá	11,759	10,871
Neamhphá	2,542	2,928
<b>Ollchaitheachas</b>	<b>14,301</b>	<b>13,799</b>
<i>Lúide</i>		
<b>Leithreasáí-i-gcabhair</b>	<b>6,616</b>	<b>7,764</b>
<b>Glanchaitheachas</b>	<b>7,685</b>	<b>6,035</b>
<b>Athruithe ar shócmhainní caipitil</b>		
Ceannacháin inairgead tirim	(82)	
Dímheas	170	88
		203
<b>Athruithe ar ghlansócmhainní reatha</b>		
Laghdú ar fhabhruithe deiridh	(550)	
Méadú ar stoc	(5)	(555)
		559
<b>Caiteachas díreach</b>	<b>7,218</b>	<b>6,797</b>
<b>Caiteachas a tabhaíodh in áit eile</b>		
Glanchaitheachas ar sheirbhísí comhghaolmhara (nóta 1.1)	3,576	3,255
Measchíosanna	11	22
<b>Glanchostas an chláir</b>	<b>10,805</b>	<b>10,074</b>

### 1.1 Glanchaitheachas ar sheirbhísí comhghaolmhara

Is éard atá i suim an ghlanchaitheachais ar sheirbhísí comhghaolmhara na suimeanna a leanas i dtaca le Vóta 8 a tabhaíodh in áit eile.

	2020	2019
	€000	€000
Vóta 9 Oifig na gCoimisinéirí Ioncaim	30	30
Vóta 12 Aoisliúntas agus Liúntais Scoir	1,890	1,523
Vóta 13 Oifig na nOibreacha Poiblí	997	1,056
Vóta 18 An Oifig Náisiúnta um Sheirbhísí Comhroinnte	19	17
Vóta 43 Oifig Phríomh-Oifigeach Faisnéise an Rialtais	220	175
Príomh-Chiste	420	454
	<b>3,576</b>	<b>3,255</b>

## Nóta 2 An Ráiteas faoi Staid Airgeadais amháil an 31 Nollaig 2020

	Nóta	2020 €000	2019 €000
<b>Sócmhainní caipitil</b>	2.1	741	877
<b>Sócmhainní reatha</b>			
Banc agus airgead tirim	2.2	375	68
Stoic		7	2
Réamhíocaíochtaí		360	202
Iarmhéideanna dochair eile	2.3	34	145
Táillí iniúchta atá inghnóthaithe	2.4	2,316	1,841
Glanmhaoiniú ón Státchiste	2.6	—	189
<b>Iomlán na sócmhainní reatha</b>		<b>3,092</b>	<b>2,447</b>
<b>Lúide dliteanais reatha</b>			
Costais fhabhráithe		112	29
Iarmhéideanna creidmheasa eile	2.5	408	402
Glanmhaoiniú ón Státchiste	2.6	1	—
<b>Iomlán na ndliteanas reatha</b>		<b>521</b>	<b>431</b>
<b>Glansócmhainní reatha</b>		<b>2,571</b>	<b>2,016</b>
<b>Glansócmhainní</b>		<b>3,312</b>	<b>2,893</b>
<b>Arna léiriú ag:</b>			
<b>Cuntas maoinithe stáit</b>	2.7	<b>3,312</b>	<b>2,893</b>

## 2.1 Sócmhainní caipitil

	Troscán agus feistis €000	Trealamh oifige €000	Iomlán €000
<b>Ollsócmhainní</b>			
Costas nó luacháil ag an 1 Eanáir 2020	1,682	1,119	2,801
Breiseanna	—	82	82
Diúscairtí	—	(206)	(206)
Coigeartuithe <sup>a</sup>	(27)	(555)	(582)
Costas nó luacháil ag an 31 Nollaig 2020	1,655	440	2,095
<b>Dímheas carntha</b>			
Iarmhéid tosaigh ag an 1 Eanáir 2020	841	1,083	1,924
Dímheas don bhliain	166	4	170
Dímheas ar dhiúscairtí	—	(206)	(206)
Coigeartuithe <sup>a</sup>	(13)	(521)	(534)
Dímheas carnach ag an 31 Nollaig 2020	994	360	1,354
<b>Glansócmhainní ag an 31 Nollaig 2020</b>	<b>661</b>	<b>80</b>	<b>741</b>
Glansócmhainní ag an 31 Nollaig 2019	841	36	877

Nóta <sup>a</sup> Baineann na coigeartuithe seo le hearraí aonair a bhfuil luachanna faoi €10,000 orthu a bhaint ón gclár sócmhainní, de réir Chiorclán 21/2020: *Méadú ar an Tairseach Luacha chun Sócmhainní a Chuimsiú sa Chlár Sócmhainní.*

## 2.2 Banc agus Airgead Tirim

ag an 31 Nollaig	2020 €000	2019 €000
Iarmhéid ag an bPámháistir Ghinearálta agus airgead tirim	375	(121)
Iarmhéid an chuntais bhainc thráchtála	—	189
	<b>375</b>	<b>68</b>

Aistríodh gach cuntas de chuid an Phámháistir Ghinearálta chuig an mbanc tráchtála “Danske Bank” ón 1 Deireadh Fómhair 2018.

### Cuntais eile le bainc thráchtála

Bhí cuntas bainc thráchtála amháin ag an Oifig ag deireadh na bliana 2019 a dúnadh i mí Eanáir 2020.

**2.3 Iarmhéideanna dochair eile**

ag an 31 Nollaig	2020	2019
	€000	€000
Caiteachas taistil infhorchúitithe agus an scéim pas taistil	31	125
Caiteachas infhorchúitithe ó chomhthionóntaí	—	20
Tuarastail ar fionraí	3	—
	<b>34</b>	<b>145</b>

**2.4 Táillí iniúchta atá inghnóthaithe**

ag an 31 Nollaig	2020	2019
	€000	€000
Féichiúnaithe táillí iniúchta	89	611
Ioncam fabhráithe ó tháillí iniúchta	1,988	694
Obair idir lámha	239	536
	<b>2,316</b>	<b>1,841</b>

**2.5 Iarmhéideanna creidmheasa eile**

ag an 31 Nollaig	2020	2019
	€000	€000
<b>Suimeanna dlíte don Stát</b>		
Cáin Ioncaim	148	136
Árachas sóisialach pá-choibhneasa	105	101
Cáin shiarchoinneálach ar sheirbhísí gairmiúla	12	21
Cáin bhreisluacha	53	51
Cáin mhaoine áitiúil	—	1
Muirear sóisialta uilíoch	29	28
	347	338
Asbhaintí párolla a choimeádtar ar fionraí	61	64
	<b>408</b>	<b>402</b>

**2.6 Glanmhaoiniú ón Státhiste**

ag an 31 Nollaig	2020	2019
	€000	€000
Farasbarr le géilleadh	1,431	2,622
Deontas ón Státhiste nár tarraingíodh	(1,430)	(2,811)
<b>Glanmhaoiniú ón Státhiste</b>	<b>1</b>	<b>(189)</b>
<b>Arna léiriú ag:</b>		
<b>Féichiúnaithe</b>		
Banc agus airgead tirim	375	68
larmhéideanna dochair: fionraí	34	145
	409	213
<b>Creidiúnaithe</b>		
Dlite don Stát	347	338
larmhéideanna creidmheasa: fionraí	61	64
	408	402
	<b>1</b>	<b>(189)</b>

**2.7 An Cuntas maoinithe Stáit**

	Nóta	2020	2019
		€000	€000
larmhéid ag an 1 Eanáir		2,893	3,956
Íocaíochtaí amach ón Vóta			
Soláthar meastacháin	Cuntas	9,116	
Farasbarr le géilleadh	Cuntas	(1,431)	
Glanvóta		7,685	6,035
Caiteachas (airgead tirim) a tabhaíodh in áit eile	1.1	3,576	3,255
Earraí neamhairgid – coigeartuithe sócmhainní caipitil	2.1	(48)	(301)
Caiteachas neamhairgid – measchíos	1	11	22
Glanchostas an chláir	1	(10,805)	(10,074)
<b>larmhéid ag an 31 Nollaig</b>		<b>3,312</b>	<b>2,893</b>

**2.8 Ceangaltais**

ag an 31 Nollaig	2020	2019
	€000	€000
Earraí agus seirbhísí a sholáthar	—	20

**2.9 Dliteanais aibithe**

ag an 31 Nollaig	<b>2020</b>	<b>2019</b>
	<b>€000</b>	<b>€000</b>
Meastachán ar dhliteanais aibithe nár díscaoileadh ag deireadh na bliana	<b>28</b>	<b>—</b>

## Nóta 3 Caiteachas Vóta

### Anailís ar chaiteachas riaracháin

Rangaítear an leithdháileadh go léir do Vóta 8 Oifig an Ard-Reachtair Cuntas agus Ciste mar chaiteachas riaracháin a caitheadh i dtreo clár aonair: iniúchóireacht agus tuairisciú.

		2020		2019
		Soláthar meastacháin	Toradh	Toradh
		€000	€000	€000
i	Tuarastail, pá agus liúntais	12,156	11,759	10,871
ii	Taisteal agus cothú	546	156	611
iii	Oiliúint agus forbairt agus speanais theagmhasacha	365	467	491
iv	Seirbhísí poist agus teileachumarsáide	100	55	50
v	Trealamh oifige agus seirbhísí seachtracha TF	473	703	438
vi	Costais áitreabh na hoifige	217	130	178
vii	Seirbhísí sainchomhairleoireachta agus luach ar airgead agus athbhreithnithe beartais	125	170	30
viii	Táillí dlí	45	37	42
ix	Seirbhísí iniúchóireachta ar conradh	1,120	824	1,088
		<b>15,147</b>	<b>14,301</b>	<b>13,799</b>

### Athruithe suntasacha

Cuirtear i láthair sa nóta seo a leanas anailís ar chaiteachas riaracháin an Vóta agus tugtar cuntas ann ar na cúiseanna atá le hathruithe suntasacha (+/- 25% nó níos mó agus €100,000 nó níos mó).

#### ii Taisteal agus cothú

*Soláthar meastacháin €546,000; toradh €156,000*

Is é is cúis leis an laghdú €390,000 ná an éigeandáil sláinte poiblí a laghdaigh taisteal gnó go mór.

#### iii Oiliúint agus forbairt agus speanais theagmhasacha

*Soláthar meastacháin €365,000; toradh €467,000*

Tá an méadú €102,000 go príomha mar gheall ar chostais foghlama agus forbartha agus costais éigeandáil sláinte poiblí a bhí ní b'airde ná mar a bhí coinne leis. Tabhaíodh na costais éigeandáil sláinte poiblí maidir le bearta sábháilteachta a chur i bhfeidhm, trealamh cosanta pearsanta a sholáthar agus oiliúint sábháilteachta a chur ar an bhfoireann.

#### v Trealamh oifige agus seirbhísí seachtracha TF

*Soláthar meastacháin €473,000; toradh €703,000*

Tá an méadú €230,000 mar gheall ar na costais a bhí ar threalamh breise a ceannaíodh mar thoradh ar shocruithe cianoibrithe a bhí i bhfeidhm ar feadh i bhfad, trealamh breise a ceannaíodh chun freastal ar theileachomhdáil scartha shóisialta agus ar chostais bhreise cheadúnais.



**ix Seirbhísí iniúchóireachta ar conradh**

*Soláthar meastacháin €1.12 milliún; toradh €824,000*

Ba éard ba phríomhchúis leis an laghdú €296,000 ar an bhfotheideal seo gur fostaíodh ní ba lú sainchomhairleoirí seachtracha ná mar a bhí coinne leis le linn 2020. Cumhdaítear san fhotheideal seo na costais oibre a seachfhóinsíodh chuig gnóthais iniúchóireachta agus costais sainchomhairleoirí nó comhairleoirí seachtracha a theastaigh chun cabhrú le tabhairt faoi scrúduithe agus iniúchtaí. Úsáidtear sainchomhairleoireacht sheachtrach i dtuarascálacha luacha ar airgead agus i staidéar eile ina dteastaíonn saineolas ón scóip nach bhfuil ar fáil ar bhonn intí.

## Nóta 4 Fáltais

### 4.1 Leithreasá-i-gcabhair

	2020		2019
	Measta €000	Réadaithe €000	Réadaithe €000
1 Táillí iniúchta	5,519	6,277	7,390
2 Fáltais ó ranníocaíochtaí aoisliúntais breise le luach saothair seirbhíse poiblí	512	339	374
	<b>6,031</b>	<b>6,616</b>	<b>7,764</b>

#### Athruithe suntasacha

Cuirtear i láthair sa mhéid seo a leanas na cúiseanna atá le hathruithe suntasacha ar fháltais (+/- 5% agus €100,000). Ar an iomlán, bhí leithreasá i gcabhair €584,000 ní ba mhó ná mar a measadh. Tugtar míniú ar na difríochtaí thíos:

#### 1 Táillí iniúchta

*Meastachán €5.519 milliún; Réadaithe €6.277 milliún*

Ba é ba chúis leis an méadú €758,000 go ndearnadh ní ba mhó iniúchtaí agus billeáladh ní ba mhó díobh i rith na tréimhse ná mar a measadh.

#### 2 Fáltais ó ranníocaíochtaí pinsin breise ó luach saothair seirbhíse poiblí

*Meastachán €512,000; Réadaithe €339,000*

Ba éard ba chúis leis an easnamh €173,000 rómheastachán. Ceartaíodh an rómheastachán sin i rith phróiseas meastacháin 2021.

## Nóta 5 Soláthair Foirne agus Luach Saothair

### 5.1 Líon na bhfostaithe

Coibhéisí lánaimseartha	2020	2019
Líon na foirne ag deireadh na bliana	<u>180</u>	<u>185</u>

### 5.2 Pá

	2020	2019
	€000	€000
Pá	10,760	9,966
Liúntas ard-dualgas, dualgas speisialta nó dualgas breise	20	19
Ragobair	2	2
ÁSPC an Fhostóra	977	884
<b>Pá iomlán</b>	<b><u>11,759</u></b>	<b><u>10,871</u></b>

### 5.3 Liúntais agus íocaíochtaí ragoibre

ag an 31 Nollaig	Líon na bhfaighteoirí	Faighteoirí a fuair €10,000 nó níos mó	Íocaíocht aonair is airde	
			2020	2019
			€	€
Liúntas ard-dualgas, dualgas speisialta nó dualgas breise	4	—	9,801	10,703
Ragobair	1	—	1,633	2,431

Níor íocadh íocaíochtaí breise le haon bhall foirne i mbreis agus catagóir amháin.

### 5.4 Socruithe eile luach saothair

Athfhostaíodh beirt státseirbhíseach ar scor a raibh pinsin státseirbhíse á bhfáil acu in 2020 ar bhonn táillí ar chostas iomlán €18,200. Bhí na híocaíochtaí a rinneadh de réir phrionsabail an Achta um Pinsin na Seirbhíse Poiblí (Scéim Aonair agus Forálacha Eile), 2012.

Ní áirítear leis an gcuntas seo caiteachas maidir le cúigear oifigeach a bhí ag fónamh lasmuigh den Oifig don bhliain 2020 go léir nó cuid di i ranna/oifigí rialtais eile agus nár íoc an Oifig a dtuarastail i rith a n-iasachtaí.

### 5.5 Ró-íocaíochtaí párolla

	Líon faighteoirí	2020 €	2019 €
Ró-íocaíochtaí	5	11,656	15,381
Pleananna aisghabhála i bhfeidhm	3	1,705	1,405

Níl pleananna aisghabhála i bhfeidhm faoi láthair don bheirt fhaighteoirí eile mar gheall nach bhfuil an bheirt fhostaithe á n-íoc a thuilleadh.

### 5.6 Luach Saothair na bainistíochta sinsearaí

#### An tArd-Reachtaire Cuntas agus Ciste

Íoctar tuarastal an Ard-Reachtaire Cuntas agus Ciste go díreach as Príomh-Chiste an Státchiste, faoi mar a bhforáiltear dó in Alt 14 d'Acht an Ard-Reachtaire Cuntas agus Ciste (Leasú), 1993. Ba é an muirear a gearradh ar an bPríomh-Chiste in 2020 maidir le luach saothair an Ard-Reachtaire Cuntas agus Ciste €197,448 (2019: €193,066). Faoi mar a bhforáiltear dó in Airteagal 33 den Bhunreacht, ní fhéadfaidh an tArd-Reachtaire Cuntas agus Ciste aon oifig nó post luach saothair eile a shealbhú.

#### Oifigeach Cuntasaíochta

Ba é an muirear a gearradh ar an Vóta in 2020 maidir le luach saothair an Oifigigh Chuntasaíochta €159,918 (2019: €156,429).